

94 als der benediz wart getân,  
dô kom vrou Herzeloyde sân.  
an Gahmuretes lîp si sprach;  
si gerte, als ir diu volge jach.  
5 dô sprach er: »vrouwe, ich hân ein wîp;  
diu ist mir lieber danne der lîp.  
ob ich der âne wære,  
dennoch wess ich ein mære,  
dâ mit ich iu enbræste gar,  
10 næme iemen mînes rehtes war.«  
Si sprach: »ir sult die mœrinne  
lân durch mîne minne.  
des toufes segen hât bezzer kraft.  
nû ânet iuch der heidenschaft  
15 unt minnet mich nâch unserer ê,  
wan mir ist nâch iwerer minne wê.  
oder sol mir gein iu schade sîn  
der Franzoyser künegîn,  
der boten sprâchen sîeziu wort?  
20 si spilten ir mære unz an den ort.«  
»jâ, diu ist mîn wâriu vrouwe.  
ich brâhte in Anschouwe  
ir rât und mîner zûhte site.  
mir wont noch hiute ir helfe mite  
25 dâ von, daz mich mîn vrouwe zôch,  
die wîbes missewende ie vlôch.  
wir wâren kinder beidiu dô  
unt doch ze sehen ein ander vrô.  
Diu kûneginne Ampflise  
30 wont an wîplichem prîse.

dô der b. (benediz do I) \*G \*T  
vrô Herzeloides kom dâ sân. \*G (\*T)  
si sprach \*G \*T  
unde g., \*G (T) und gertes, \*T  
ein wîp. \*G  
mir ist \*G (nur GI)  
  
weiz \*T (nur U)  
  
Si sprach om. \*G \*T  
  
hât grœzer (groze I) kr. \*G (nur GI)  
  
unser ê, \*G  
wan om. \*G (nur GI) T · n. iu wê. \*T (nur U)  
  
der Franzoiser kûnigin? \*G (\*T)  
der (Jr Z die \*T [nur U]) b. sp. s. (sie zû L) w. \*G (\*T)  
unde sp. (spielten G pflîhten T) \*G (\*T) · unz in daz (den O T) ort.« \*T (O L)  
er sprach: »diu ist mîn vr. \*G (ohne Z) · »seht, diust mîn w. vr. (mîn warhe T). \*T (O L)  
  
rât an m. \*G (nur GI)  
  
ie om. \*G (ohne L) T  
beidiu kinder \*T (O)  
  
wonet in wîbes pr. \*G (nur GI) · gewonte ([\*]: wonet V) an wîplichem pr. \*T (nur U)

\*D: D \*m: m \*G: G I O L Z Fr21 (94.1–7) \*T (U): U V T

1 Initiale I O · Majuskel T 5 Initiale T · Capitulumzeichen L 11 Initiale D m L Z · Majuskel T 19 Initiale I 21 Majuskel T 22 Majuskel T 29 Majuskel D

1 als] und als \*m 15 unserer] mîner \*m 27 kinder beidiu] beidiu kinder \*m